

**Adami Tanneri E Societate Iesv, S. Theologiæ D. Et In  
Academia Ingolstad. Professoris, Theologiæ Scholasticæ  
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]  
vitijs: ac varijs hominum statibus. Secvndae Secvundae S. Thomae  
Aqvinatis Respondens

**Tanner, Adam**

**Ingolstadii, 1627**

Dubium I. De Iustitia & iniustitia Iudicis; spectiatim an, & qua ratione  
Iudicium publicum sit licitum, ex parte ipsius Iudicis; deque iurisdictione  
eidem necessaria.

---

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

## Q V Æ S T I O IV.

De processu Iuridico in criminibus ordinarijs; adeoque de iustitia & iniustitia iudicis, rei, accusatoris, testimoniis, aduocati.

Sanctus Thomas 2. 2. q. 67. 68. 69. 70. & 71.

**N**on coniungit quidem Sanctus Thomas tractationem de iudicio, & processu iuridico, sed interponit tractationem de Restitutione, & vitiis quibusdam iustitiae oppositis; inter que etiam recenset, que ad iudiciale processum pertinent: sed quia totus processus iuridicus, ex parte omnium earum personarum, que ad eundem processum pertinent, ut sunt index, accusator, reus, testis, aduocatus, per se potius continet actus iustitiae, quam vicia seu peccata eidem opposita, simulque cum iudicio (de quo velut adhuc iustitiam antea egerat Sanctus Thomas) magnam affinitatem habet; idcirco de his omnibus, velut actibus iustitiae, consequenter hoc loco agemus; ita quidem ut hac questione de processu iuridico in criminibus ordinarijs; sequenti vero de processu in criminibus exceptis tractemus.

Absoluetur autem hac quæstio sex dubitationibus. I. De iustitia & iniustitia iudicis; speciatim an & qua ratione iudicium publicum sit licitum, ex parte ipsius iudicis. II. Vtrum Index semper secundum leges, aut allegata & probata iudicare, & sententiam ferre debeat; etiam condemnando innocentem. III. An & quando sententia iudicis ob iniustitiam sit irrita; presertim in causis beneficiorum. IV. Quis processus generatim a iudice in iudicando sit seruandus. V. De iustitia & iniustitia rei. VI. De iustitia & iniustitia accusatoris, testimoniis, aduocati.

## D U B I V M I.

De iustitia & iniustitia iudicis; speciatim an, & qua ratione publicum iudicium sit licitum; idque etiam si index sit in peccato mortali, vel excommunicatus: deque iurisdictione eidem necessaria.

Sanctus Thomas 2. 2. q. 60. a. 2. s. 6. & q. 67. a. 1.

**D**E hac re ex mente Sancti Thomæ loc. cit. statuimus sequentes assertiones. A S S E R T I O I. Iudicium iudicis, seruatis debitibus circumstantijs, est licitum. Ita Sanctus Thomas quæst. 60. art. 2. & est de fide contra Waldenses apud Castro V. Index, & contra Anabaptistas apud Bellarminum lib. 3. de membris Ecclesiæ militantis cap. 9, qui negant, fas esse Christianis exercere iudicia. Sed refelluntur aperte. Tum quia licitum est Christianis è suo numero habere reges, Principes, duces, quorum præcipua functio est rectum iudicium, ex psalm. 2. Isaïæ 33, Ioann. 13. Tum quia Christianis licet leges ferre; Ergo & tueri, contra iniquos, auctoritate iudicaria. Tum quia alioquin pax & tranquillitas in Republica conservari non posset. Vnde sapienter S. Augustinus epist. 54. ad Macedonium; Non est iniquitas, sed potius humanitatis societas devictus, qui propterea est criminis persecutor, ut sit hominum liberator. Et

inferius: Non inutiliter metu etiam legum humana coercetur audacia, & vt tuta sit inter improbus innocentia, & in ipsis improbis, dum formidatio supplicio frangatur facultas, invocato Deo, sanetur voluntas. Et infra: Sicut est aliquando misericordia puniens, ita & crudelitas parcens.

Illud autem Matthæi 5. vers. 40. Et ei, qui voluerit tecum iudicio contendere, & tunicam tuam tollere, dimite ei & pallium. Solum intelligetur quoad animi dispositionem seu præparationem, si quo casu id necessarium foret, ad diuinam offenditam vitandam, ex Augultino epist. 5. ad Marcellum.

Alius locus ex 1. Corinth. 6. solum reprehendit lites scandalosas Christianorum, apud iudices infideles; & simul perstringit eos, qui iniuste causam præbent litibus: alioquin ibidem officium iudicis inter Christianos expresse approbat. Vide Bellarminum loc. cit. & Valentia q. 4. punct. 2.

ASSER-

**ASSESSIO II.** Ad rectum iudicium iudicis requiruntur quatuor conditiones. I. legitima auctoritas ex parte iudicantis, sive haec sit ordinaria, sive delegata; aut etiam arbitrii, vel arbitratoris. II. iustitia ex parte rei iudicata, ne scilicet fiat contra ius alterius. III. debitus processus, seu ordo iuris; quo spectant circumstantie loci, temporis, modi iudicandi, citatio & audientia rei, certaque probationum momenta. IV. rectus affectus & intentio iustitiae, sine odio & priuata vindicta cupiditate. Est communis interpretum hic q. 60. a. 2. & apud Aragonium art. 5. Suarez 3. p. tom. 5. d. 4. sect. 7. n. 2. & colligitur ex S. Thomas a. 2. Ratio est; quia plura in iudicio spectari non possunt, quam quatuor illa requisita: & sine aliquo illorum continuo violatur in publico iudicio ius naturale, ut patebit assert. seq.

**ASSESSIO III.** Differentia tamen inter eas conditiones est, quod ob defectum solius ultime conditionis, nunquam in validum est iudicium; ob defectum autem duarum priorum, per se quidem & in conscientia semper est in validum: ob defectum vero tertiae conditionis, quandoque in validum; si nempe ordo iuris quasi substantialis prætermititur; secus, si tantum accidentalis. Ita Aragonius & Suarez loc. cit. ac fere Sotus lib. 3. de Iust. quæst. 4. Bannes hic art. 5. Valentia quæst. 4. punct. 2. saltem extra causas beneficiorum de quibus infra, & videtur communis Theologorum; quicquid in secundo casu, cum agitur de iniustitia rei iudicata, præter iustitas, repugnet Sa V. *Iudiciales actus*, tit. de sententia & citatione n. 5. vbi ait, *sententia iniusta, seu data secundum allegata & probata, & non continens intolerabilem errorem, valida est in vitroque foro.*

Vocatur autem *substantialis* ordo iuris, qui seu ex natura ratione, seu peculiari legum dispositione, ad valorem & substantiam sententiae necessarius est: cuius generis casus refert Aragonius: Si sententia fuerit lata inde feriato seu festo, ex cap. finali de ferijs: item si in Ecclesia, per iudicem secularis, ex cap. *Decet*, de Immunitate Ecclesiastiarum, nisi detur, inquit Sa loc. cit. nu. 1. per modum *voluntariae iurisdictionis*; vbi scilicet nemo se opponit. Addit merito Sa etiā duos istos casus. 1. Si sententia lata sit sine citatione rei, & copia se defendendi, ut omnes consentiunt, & constat ex Institut. I. 4. tit. 16. §. 2. & leg. 1. ff. Quæ sententiae sine appellatione rescinduntur: nisi evidens sit, nullam esse defensionem. II. Si interueniente pecunia lata sit sententia; nisi sit arbitrii. Plures referunt Abbas in cap. 1. de sententia & re iudicata & Sayrus I. c. 12.

Prior autem pars assertionis probatur. Quia talis sententia, secundum rem, & prout in actu externum transit, nullam infert iniuriam proximo, sed per omnia conformis est iustitia.

Secunda pars assertionis, quoad primam conditionem probatur. Quia sententia iudicis est quasi lex quædā particularis, qua nisi à superiori ferri nullo modo potest. Vnde leg. 4. Cod. Si à non competente, vniuersim sanctitur, ne quenquam litigatorem, sententia non à suo iudice dicta constringatur.

Quantū vero ad secundam conditionem, eadem secunda pars probatur ex ipsa ratione iudicij; quia iudicium ex parte rei iudicata iniustum, non est iudicium, quod ut supra vidimus, nil aliud est, quam dictum iuris seu iusti. Vnde etiam leg. 1. ff. Quæ sententiae sine appellatio ne irritam esse, quando contra sacras constitutiones indicatur.

Nec refert, quod sententia talis possit esse formaliter iusta, utpote lata secundum allegata & probata; id enim non sufficit: quia valor humanae actionum, à parte rei, & in foro conscientiae non pendet præcisè à probationibus seu presumptionib⁹ externis, sed à rebus ipsis. Aliud est, si loquamus de foro extero, in quo quia solum ad probationes & presumptiones externas atten ditur, sententia formaliter iusta, hoc est, ex allegatis & probatis legitime latæ, etiā materialiter & secundum rem iniusta, valida habetur.

Vnde fit etiam, ut Iurisperiti in suo quidem foro, eam tantum sententiam in validam dicant, quæ continet intolerabilem errorem; ut quæ præcipit aliquid manifeste impossibile; vel aperte malum; vel prohibet aliquid aperte bonum & faciendum; aut condemnat innocentem, sine villa probatione, ut recte etiam Sayrus libro I. cap. 12. Thœologi vero communiter, attentes ad forū conscientiae, & ipsam rei veritatem secundum se, omnem sententiam in iusta, quæ aduersatur iustitia & veritati à parte rei, sive error ipsius sit manifestus & intolerabilis, sive non, iudicant nullam & in validam, ut recte Saloni.

Dixi tamen, per se; quia per accidens, si vel de iniustitia non satis constet, vel ratione scandalii, nonnunquam etiam in conscientia obtenerandum erit tali sententiae; cum in dubio melior censeatur conditio possidentis Superioris; cui proinde inferior suum iudicium submittere, & obtemperare debet.

Atq; haec est etiā sententia S. Thomæ hic q. 60. art. 5. ad 1. & infra quæstio. 70. art. 4. ad 2. Caietani ibidem, & in opusculo 16. resp. 14. Sylvestri V. *Sententia*, q. 11. post Innocentium & Paganorum in cap. *Quia pleriq; de immunitate Ecclesia*; & habetur etiam ex I. Julianus ff. de conditione indebiti.

Tertia pars assertionis declaratur: quia in omni materia, defectus quidam ceremoniarum accidentialium, ad substantiam rei non pertinentium, valorem actionis non impedit, secus si deficiat aliquis modus substantialis. Vnde etiam in priori casu, talis sententia absolute dicitur iusta cap. *sacra*, de sentent. excommun. E contrario de posteriori casu loquuntur iura, cum dicunt, sententiam contra leges, aut canones prolata, esse nullam, ut habetur cap. 1. & cap. *Cum inter*, de re iudicata, & leg. *Præses* I. *Cum prolatis*, ff. eod. tit. & I. *Prolatam* C. de sentent. & interlocut. ut optime notauit Suarez loc. cit.

Addit Aragonius, idipsum procedere non solū de iudicio inferiore, sed etiam de supremo, si quidem sententia iniusta ex parte processus, lata

sicut fauorem vnius, cum damno alterius: quia in tali casu Princeps valide quidem dispensare potest in legibus, etiam à se conditis, ut suo loco de legibus dictum.

Quod tamen ad dies feriatis attinet, in ipso met illo cit. cap. finali de feriis, limitatio adjicitur ab omnibus recepta; nisi videlicet necessitas vrgeat, aut pietas suadeat.

Ex quibus colligitur. I. eum, cui per sententiam ex parte rei iudicatae iniustam, etiam seclusa mala fide res obtigit, quamdiu legitime non prescrispsit, teneri in conscientia, etiam citra iudicis sententiam, aut lœsa partis appellationem, seu postulationem, rem inique obtentam (posteaquam de sententiæ iniustitia certior factus est) restituere, ut recte cum Soto docent citati.

Alia ratio est; si sententia ex defectu iudicariæ authoritatis tantum, vel processus iuridici fuerit nulla. Quia si interim res ipsa huic revera debita sit, isque tali sententia mediante, in eius rei possessionem bona fide peruererit, poterit quidem alter de sententiæ iniustitia conqueri, sed hic, utpote rem suam bona fide possidens, non tenetur in conscientia, ante sententiam iudicis, alterum in eiusdem rei possessione iterato statuere, non quidem quasi sententia fuerit in re valida, sed quia, si qualicunque etiam alia ratione, præsentim cum bona fide, rem suam recuperasset, non teneretur eam alteri cedere, ut colligitur etiam ex citata. Julianus.

Atque hæc forte causa est, cur Valentia, & alij nonnulli absolute dicant, sententiam ratione solius processus (sib quo videntur etiā comprehendere autoritatem iudicantis) iniustam, non esse nullam.

Colligitur II. Qua ratione intelligendum sit celebre illud dictum S. Gregorij, quod referatur 11. quæst. 3. sententia pastori sive iusta sit, sive iniusta, umenda est. Procedit enim tum de sententia dubia, in qua Superiori obtemperandum; tum de iniusta, quoad modum accidentalem, qualem etiam in conscientia validam dixi; tum de iniusta in re, sed iusta in foro exteriori, quæ saltem etiam in eodem foro executioni mandari solet, & ex parte etiam in foro conscientiæ, quoad ratione scandali opus est, seruari debet. Sic enim etiam innocens excommunicatus publice (secundum allegata & probata) debet propter scandalum à communione aliorum abstinere, ut bene declarat Suarez cit. num. 41. & suo loco tom. 4 pluribus dicetur.

Colligitur III. Tyranno Rempublicam iniuste inuidenti, adeoque à Republica nondum recepto, etiam si iustum aliquid præcipiat vel decernat, per se quidem in conscientia obtemperandum necessario non esse, ut habet communis sententia, tam Canonistarum in cap. Accusatores causa 3. quæst. 8. & cap. Infames 2. quæst. 7. quam Theologorum, cum S. Thomain 1. 2. quæst. 96. art. 4. speciatim Sotii lib. 3. de iustitia q. 4. artic. 6. & Summi starum V. Index, V. Sententia, V. Tyrannus. Etsi Victoria relectione de potestate cinili n. 23. Bannes & Aragonius hic quæstione 60. art. 6. & Lessius lib. 2. cap. 23. du. 9. sentiant, per se etiam

aliquam in conscientia vim habere posse eiusmodi precepta.

Quanquam per accidens non unquam ob scandalum, aut Reipublicæ perturbationem vitandum, id necessarium sit; si nempe frustra, nec si ne scandalo, vel damno Reipublicæ Tyranni iugum & obedientia detractetur. Quod tunc quidem communiter accedit, quando iam depositis armis, in pacificam Reipublicæ possessionem Tyranni venit. Quo casu etiam ex ipsa tacita voluntate Reipublicæ, vim habere eius mandata ac iudicia, ut citati sentiunt, probabile est.

Quod si quis Tyrannus est, solum quoad modum administrandi Rempublicam, aut etiam à Republica pro domino est legitime receptus, tum eius quidem tanquam veri domini iudicij ac præceptis vtq; obtemperandum erit, etiam in conscientia.

Cum vero hæc generatim de honestate iudicij certa sint; quædam tamen supersunt dubia speciatim declaranda. Primo enim queritur, quid sentiendum sit de iudice in peccato mortali sententiam proferente. De qua re breuiter statuimus sequentia. I. Ratione peccati mortalis præcise, non amittitur iurisdictione, nec irrita adeo redditur sententia. Est de fide, contra Wicleffum & Hussium damnatos in Concilio Constantiensis sess. 8. a. 15. & sess. 15. a. 30. Et patet Matthæi 22. versu 21. Reddite quæ sumi Cesari, Cesari (quamvis impio) Matth. 23. v. 2. 3. Super Cathedram Moysi sedem scribæ & Pharisæi. Omnia ergo quæcumq; dixerint vobis, seruare & facite: secundum opera vero eorum nolite facere: dicunt enim, & non faciunt. Ad Rom. 13. v. 1. & 2. Omnis anima potestatibus sublimioribus subditæ sit: Non est enim potestas nisi a Deo: quæ autem sunt, à Deo ordinatae sunt. Itaq; qui resistit potestati, Dei ordinationi resistit. Qui autem resistunt, ipſi fibi damnationem acquirent. 1. Petri 2. v. 13. Subiecti igitur esse omni humana creature. Et ib. v. 18. Non tantum bonis & modestis, sed etiam dyscolis.

II. Iudiciū seu ciuale, seu Ecclesiastici proferre in peccato mortali, per se non est peccatum. Ita cum S. Thoma hic q. 60. art. 2. ex coenuni docent Caietanus, Saloni, Bañes, Aragonius ibidem, & Nauarri? in comment. de iudicij, Valentia q. 4. pu. 2. licet olim contrarium dixerit Alensis 3. p. q. 40. mem. 3. apud Sylvestrum V. Index §. 12. & quoad Ecclesiastici iudicē S. Thomas 4. d. 9. q. 2. a. 2. Paludanus ibid. q. 3. Sylvestris V. Correctio fraterna q. 16. Ratio est. Tum quia alias pariter p̄cipere quicquā in peccato mortali, effet peccatum, quod nemo dixerit. Tum quia iurisdictionis v̄sus, nec certam quandā consecrationē in subiecto supponit, nec ad eā per se ordinatur. Alia ratio est v̄sus ordinis, ad quem peculiariis consecratio & gratia diuina conceditur.

III. Proferre iudiciū in peccato mortali occulto, etiam absolute ac simpliciter loquendo, nullum est peccatum, nec mortale, ex communi, nec veniale. Ita contra Sotum libro 3. de iustit. quæstio. 4. art. 2. Bannes, alijque citati, iuxta S. Thomam loc. cit. qui absolute dicit in peccato occulto existente, posse cum humilitate & timore arguere. Quod intelligendū nō est, de positivo aliquo

aliquo humilitatis vel timoris affectu, quasi alioquin venialiter peccetur, ut indicant Caetanus & Valentia, sed ne per superbiam & hypocrisin ipso iudicio se quasi innocentem vel ostendere, sed potius ita agat, ut ex officio remagere videatur. Idem in simili dictum de correctione, fraterna.

IV. Idem pariter dicendum de peccato publico non scandaloso, si predicta moderatio adhibetur; quicquid de veniali peccato in hoc casu dicat etiam Bannes l. c. Ratio enim est eadem. Quod autem in cap. ultim. de temporibus ordinandorum dicitur, Prælatum in peccato mortali esse *sufficiens quod se*, intelligendum est de vnu ordinum, non folius Iurisdictionis, ut recte Caetanus, Valentia, & alii.

V. Iudicium proferre in peccato publico & scandaloso, sepe quidem esse potest mortale per accidens, & ratione scandali, ut habet communis apud S. Thomam, & citatos; quandoquidem inde facile etiam à non pessimis contemnitur iustitia; & indignatio perniciosa etiā contra ipsum officium iudicis concipitur; dum vident, non seruari æqualitatem in iudicijs, sed viiores quidē puniri, ipsum vero iudicem in eodem scelere impune vivere. Attamen si ex eiusmodi iudicio nullum nouum oriatur scandalū, tum etiā nullū nouū peccatum ei iudicio committetur, ut indicant etiā Salomon & Bannes loc. cit. Non est tamen ideo necesse, iudicē prius de peccato poenitentia agere, sed satis est, signa poenitentia ostendere, aut alio quomodo scandalum amoliri.

Secundo queritur, quid sentiendum sit de iudice excommunicato. Respondeatur, si nominatum denunciatus sit, aut notorius percussor Clerici, certum est, eum peccare ex suo genere mortaliter usurpatione iudicij, actaque eius esse irrita, cum talis iurisdictione caret, iuxta cap. *Ad probandum*, de sentent. & re iudic. cap. *Audiuum*, & cap. *Miramus* 24. q. 1. & cap. *Nos sanctorum* 15. q. 6. idq; etiam de seculari iudice procedere, ex consuni Doctorum recte assert Lessius l. 2. c. 29. n. 61. iuxta cap. *Exceptionem*, de Exceptionibus, & cit. cap. *Nos sanctorum*.

Nisi forte iudex in tali casu aut ad alium locum commigret, aut in loco sua iurisdictionis non habeatur pro. denunciato, vel publico Clerici percussore. Tum enim acta quidē eius erunt valida, licet ipse ingerendo se in officium quasi alienum, à quo nempe est ex sua parte suspensus, ex suo genere mortaliter peccet, ut docet Lessius numero 62. qui dub. 8. recte etiam uniuersim notat, acta iudicis, qui habet titulum saltem coloratum, seu communior errore putatur legitimus Superior, esse valida, ex communione Doctorum in cap. *Nihil*, de electionibus, & l. *Barbaria* ff. de officio prætoris, consentientibus etiam Theologis in materia de penitentia. Admit etiam, nec teneri officium aut beneficium ante sententiam iudicis resignare, aut ab administratione desistere, etiam si quis ipso iure sit priuatus titulo, ut etiam tom. 2. de legibus quæstio. 6. dub. 4. numero 66. dictum, & patet in fra...

At vero si quis solum occulte sit excommunicatus; aut notorie quidem, sed extra duos casus supradictos; tunc verius est, post Concilium Constantiense cap. *Ad uitandum*, talem quamdiu ab Ecclesia toleratur, non peccare usurpatione iudicij; nec adeo acta eius esse irrita.

Licet verius sit, eū nihilominus aliunde ex suo genere peccare mortaliter iudicando, saltem si notorie excommunicatus sit, ut docet Nauarrus c. 27. n. 7. Sotus in 4. d. 22. q. 2. a. 1. Lessius. 57. & 59. quamvis Henriquez de excommunicatione c. 7. cum Bartolo & Ledesma, fauente etiam Caetano V. *Excommunicato vetita*, fatis probabiliter afferant, id solum esse veniale. Ratio est. Quia cum tali excommunicato non interdicatur alijs comunicatio post Concilium Constantiense; quamvis interim ipse ex sua parte nil relevetur.

Si quo tamen casu, ex officio cogatur iudex procedere ad iudicandum, & non si occasio liberandi se prius ab excommunicatione, nil peccabit, ne reddatur vtrinq; perplexus, ut in simili de ministro Sacramentorum dicetur tom. 4.

Nemo tamen tenetur interim admittere illum iudicem excommunicatum; sed potest excipere contra illum, quod sit excommunicatus; in modo tamen hoc possit probare, iuxta cap. *Exceptionem*, de exceptionibus. Sitamen partes in talem iudicem consenserint, & sententia alioquin rite lata fuerit, non potest propter excommunicationem refundi, sicut nec etiam cum partes alioquin iudicii, iure permitente, se subieciunt, ut recte Lessius n. 58. & 59.

Tertio queritur, An & quomodo obtineatur Iurisdictionis ad iudicandum necessaria. Respondeatur, eam haberi quatuor modis, ut notat Sanctus Thomas quæst. 67. art. 1. Nimirus I. ex officio, quoad subditos, & vocatur ordinaria. 2. ex commissione, & vocatur delegata. 3. ex proprias subiectione litigantium, & dicitur arbitraria, tam arbitrum complectens, qui formam iuris sequi debet, quam arbitrarem, qui ad hoc non tenetur.

Atque hoc modo Pontifex, in omnibus & solis causis illis, atq; eo dunxat modo, alteri se iudicandum potest subiucere, in quibus, & quo modo scipsum potest iudicare: nisi quod in confessione se subiucere alteri potest, in qua tamen se ipsum iudicare non potest, ut post Caetanum habet communis.

Qua etiam ratione iuxta eundem conciliari potest S. Thomas cit. art. 1. generatim significans, Papam se alterius iudicio subiucere posse cum ijs, quæ & ipse & alij communiter, ut Albertus Magnus, Richardus, Bonaventura, Paludanus 4. dist. 18. vel 1. 9. docent, Pontificem se alteri subiucere non posse.

Et quamvis Pontifex peccet contra iustitiam, sine causa rationabili agendo contraria sententia ita legitime simel pronuntiat; nec vero iure possit suo arbitratu reuocare datam simel potestatem; tamen & reuocatio valida est, & ex causa rationabili & urgente potest, ipsi laesis aliter satisfaciendo, ut docet Caetanus citatus.

- 26 Quarto acquiritur iurisdictio ratione loci in quo quis domicilium habet, vel in quo commissum est delictū, vel contractus initus, vel res, de qua contra possessorem lis mouetur, sita, ex cap. *Pepulasti*, & cap. finali de foro competenti: nisi forte quis sit specialiter, non tantum ratione loci sed etiam ratione personæ exemptus à iudice eius loci, in quo patratum est delictū. Quaratione quidam Religiosi exempti sunt à iurisdictione Ordinarij, de quo vide cap. 1. de priuilegijs in 6. & Concilium Tridentinum sess. 7. capit. 14. de reformat. Sylvestrum V. *Exemptio*, Angelum V. *Exemptus*, & Henriquez lib. 2. c. 24. & seqq.
- 27 Alias vero (vbi eiusmodi specialia priuilegia non obstant, vt recte Caietanus) Episcopos, in cuius diœcesi aliquis deliquerit, efficitur superior eius, ratione delicti, etiam si sit exemptus; nisi forte delinquat in re aliqua exempta, puta in administratione bonorum alicuius monasterij exempti. Sed si aliquis exemptus (talis) committat furtum, vel homicidium, vel aliquid huiusmodi, potest per ordinarium iuste condemnari. Ita Sanctus Thomas cit. artic. 1. ad 3.
- 28 Quarto queritur, an, & quomodo iudex secularis habeat ius dicendi in Ecclesia, vel personis Ecclesiasticis. Respondeatur; Iudex secularis ius dicendi in Ecclesia nullam habet auctoritatem, ex cap. *Decet*, de immunitate Ecclesiarum in 6. sicut nec in Clericos villam haber potestem; nisi ex commissione, vt patet tota dist. 96. & 11. quæstione 1. & extra de immunitate Ecclesiarum, & ex Concilio Tridentino sess. 23. cap. 23. de reformat. & in iure ciuilii, authentica, *ut Clerici proprios indices conueniant*, col lat. 6.
- Nec omnino possunt Clerici huic exemptioni renunciare, ex cap. *Si diligenter*, de foro competenti. Quod si Laicus iudicium tale sibi usurpet, sive in ciuilibus, sive in criminalibus, est excommunicatus in bulla *coenæ*, de qua Toletus excommunicatione 9.
- 29 In tribus tamen casibus licet Laico iudicare Clericum. 1. Si Clericus degradatus tradatur brachio seculari, 2. ex Episcopi consensu, in causa tantum ciuilii; quod passim obtinetur. 3. probabiliter titulo reconuentonis; ita vt si Clericus Laicum caritat coram iudice seculari, possit is coram eodem iudice vicissim reconueniri, non tamen criminaliter, vt docet Carbo quæstione 1. de restitut. Toletus citatus, Lessius cap. 29. dub. 6. post expressam, & communiter receptam Glossam in cap. *Secundum*, de mutuis petitionibus, & colligitur ex eodem cap. & can. 1. causa 3. quæstione 8. Etsi Panormitanus, & quidam alij, non improbabiliter contrarium sentiant.
- 30 Potest etiam Clericus in ciuilibus se subiucere iudicii seculari, vt arbitrio, quia tamen nolentem sententia acquiescere, non potest per se cogere, iuxta Lessium ibid.
- Adde si Clerici aperte in perniciem boni communis ferantur, pacemque Reipublicæ perturbent, nec ab Episcopis, vel Pontifice, licet re quisitis, adhibeat remedium, aut alioquin in mora sit periculum, vt requiri non possint, poterit secularis princeps, & qui quis supremus Magistratus (non autem inferiores iudices, seu praefecti, nisi quantum præcise necessitas preceps exigit ad moderatam defensionem) suam Republicam tuendo, eiusmodi licentiam compescere, iuxta Victoriam relect. de potestate Ecclesiastica q. vlt. n. 3. Sotum in 4. d. 25. q. 2. a. 2. & Molinā tract. 2. de iustitia disput. 21. Sicut etiam licet cuius pri uato, cum moderamine inculpatæ tutela, contra vim iniustam Clericorum, etiam vi se defen dere.
- E contra possunt etiam viduæ & pnpilli trahere suos reos ad iudicem Ecclesiasticum, vt docet Couarruias in epitom. 4. part. 2. §. 12. Sa. V. *Iudiciales actus*, de confugientibus ad asylum Ecclesiæ, in quantum gaudent immunitate, iuxta cap. *Inter alia*, de immunitate Ecclesiastarum, & alios canones 17. quæstione 4. vide Salonen. quæst. 60. art. 4. controuerter 2. & Clarum practica criminalis q. 30. Plura de hac re scripti lib. 1. defensionis Ecclesiast. libert. & suo loco de exemptione Clericorum tom. 4.
- Quinto queritur, An, & quando Prelati Ecclesiastici licite causas temporales diuidentur.
- Respondeatur; Ecclesiasticos Prelatos in duobus casibus, absque peccato usurpati iudicij, posse causas temporales diuidicare, vt optime docet S. Thomas hic quæstio. 60. art. 6. Primus, quando, & quatenus aliqua ratio & necessitas boni spiritualis id exigit; sicut enim bonum temporale, bono spirituali tanquam fini natura sua subordinatur & cedit, ita etiam potest secularis spirituali. Et talem potestatem, quoad temporalia, indirectam habet Pontifex in iuuenientia Ecclesia, Episcopus vero insua diœcesi.
- Secundus casus est. Si vel per iustum contradicuum, aut liberali donatione, aut peculiari commissione Principi, seu dominorū seculari eiusmodi potestas ad Ecclesiæ platos deuenerit. Quomodo Episcopi in Germania, tanquam Principes etiæ temporales, causas temporales iudicant. Inter quos tamen casus est hoc discrimen, quod in priori, potestas eiusmodi per se & ex natura rei cu potestate Ecclesiastica & spirituali coniuncta est, imo nec a bea omnino diuerfa, nisi ratione materialis obiecti: in posteriori autem casu potestas illa mere temporalis est, & solum per accidens conueniens Ecclesiasticis Prelatis, vt optime nota Caietanus cit. a. 6.
- Vt plane videoas, longe abesse S. Thomæ ab ea quorundam Canonistarum sententia, qui dicunt, Pontificem esse directum dominum, etiam in temporalibus, totius mundi, vel Ecclesiæ, de qua re non nihil etiam libro 2. de defensionis Ecclesiast. libert. c. 8. & pluribus tomo 4. de Incarnat. q. 7. dub. 4.
- In particulati autem, hæc quatuor insuper de iudice, ad præxinspectantia, nota ex Sa. V. *Iudiciales actus*, I. Iudicem esse in propria causa, hæcum esse superiorem non habent; vt eriam in materia de bello dictum.

II. Quæstione orta, inter iudicem Ecclesiasticum & secularem, super iurisdictione, (in causa scilicet, de qua dubium est, an sit Ecclesiastica) ad Ecclesiasticum spectare iudicium, ad quem pertinet; is enim superior est alias ad quemuis iudicem ordinarie pertinet ognoscere in dubio, an sit sua iurisdictione.

III. Malefactores posse à personis miserabilibus, vt viduis, & pupillis, si Actores sint, trahi ad iudicem Ecclesiasticum, de quo supra.

IV. Ad eundem Ecclesiasticum Iudicem etiam pertinere causas matrimoniales, & an contractus sit usurarius, & an iuramentum liget; & an aliquid sit peccatum mortale. Quanquam inter seculares, possit etiam iudex secularis iudicare de usuræ iure & facto, vt docet etiam Couarruias l. 3. variar. cap. 3. n. 1. et si quoad quæstionem iuris, contra communem Canonistarum ibidem.

His addit ex communi apud Azor tom. 1. lib. 7. cap. 36. causas quoque decimatarum Ecclesiasticarum (quicquid sit de ijs, quæ Laicis concessa sunt) pertinere ad iudicem Ecclesiasticum, vt pluribus dicetur infra disp. 5. quæst. 3. dub. 2. vbi de decimis agitur.

#### D V B I V M II.

*Vtrum iudex semper secundum leges; aut allegata & probata iudicare debeat; etiam condemnando innocentem.*

S. Thomas 2. 2. q. 60. a. 5. & q. 67. a. 2.

Q uod ad primum attinet, vtrū iudex semper secundum leges iudicare debeat; recte respondet S. Thomas q. 60. a. 5. leges scriptas in duplice esse differentia; quibusdam enim solummodo continentur, seu declaratur ius, quod dicitur naturale; alijs vero etiam institutum primum, & conditum ius; quod idcirco postimum dicitur. Et à prioribus quidem legibus, cum ius immutabile contineant, nunquam est recedendum: à scriptura seu litera posteriorum, si alioquin iusta sint, regulariter quidem etiam non est recedendum: in aliquo tamen casu; quia vel iuri naturali repugnant, aut iam à mente legislatoris recedunt, non est secundum literam legis iudicandum; sed per epijkæ interpretationem, recurrentem ad intentionem legislatoris, iuxtal. 24. lib. 1. ff. tit. 3. vbi dicitur; *Nulla ratio iuri, aut aequitatis benignitas patitur, ut que salubriter pro utilitate hominum introducuntur, ea nos duriore interpretatione, contra ipsorum commodum producamus ad severitatem.*

Et ratio omnium est. Quia cum iudicium recrum, sit determinatio iusti, seu naturalis, seu positivi, quod, vt dictum est, ipsis quoque legibus scriptis sic declaratur & sanctitur, vt tamen leges positivæ in aliquo particulari casu nonnunquam deficiant; hinc fit, vt ordinarie quidem sit secundum leges scriptas iudicandum: Secus in casu, in quo ob peculiares circumstantias, vel iustum ipsum, vel mentem legislatoris non exprimunt; à

quibus nimirum duabus conditionibus pendet legis humanæ semel legitime constitutæ, & acceptate valor & obligatio.

Quibus consentit etiam S. Augustinus in lib. de vera religione cap. 31. vbi dicitur: *In istis temporalibus legibus, quanquam de his homines iudicent, cù eis instituerint; cum tamen fuerint instituta & firmata, non licet iudicibus de eis iudicare, sed secundum istas.*

Notandum I. Doctrinam illam S. Thomas certa & comunitate receptam, pertinere non solù ad iudices inferiores, sed etiam ad supremos; cù aliquo tamen discrimine. Quia supremus potest ex iusta causa, bonum commune concernente, dispensare in legibus positivis, atq; ita etiam per modum dispensationis, in sententia pronuncianda, à positiva legis litera recedere, quando nullum hinc præiudicium alteri creatur; nempe circa leges, quibus nullum alteri ius acquisitum est: in alijs autem non potest dispensare, ex communi & certa, apud Aragonum & Bannem cit. q. 60. a. 5. Qui tamen recte limitant; nisi plane boni communis ratio id exigat; vt bona alicuius ciuius propria, in alterum transferantur: tunc enim id licite facere poterit Princeps, iuxta dicta superius q. 1. dub. 5. n. 63.

Quo fit, vt in causis ciuilibus, rarissime possit Princeps, à legis præscripto recedere; sapientius vero in criminalibus, liberando videlicet à morte eum, qui alioquin secundum legem erat morte plectendus, modo id ex causa iusta, & sine Reipublica, ac alterius præiudicio, & nocimento fiat. Alias enim peccabit non solum mortaliter (ex genere suo) sed etiam tenebitur ad restituicionem illi, qui ob ignorantiam, seu indulgentiam Principis iniquè laesus est, iuxta dicta q. 2. dub. 5. n. 76. Arque ita sentiunt ijdem post Caetenam V. iudex, & Nauarrum in manuali cap. 23. & colligitur ex S. Gregorio, prout refertur in cap. Summopere 11. q. 3.

Notandum II. Etsi à quibusdam plures casus numerentur, in quibus iudex inferior, potest à litera legis recedere, quam quos S. Thomas recensuit; attamen ad hos duos reuocari alios omnes, vt patet enumeratione corundem, quos Salomon cit. q. 60. a. 5. ex alijs n. 5. recenset. Primus est, quando lex aut simpliciter, aut ex circumstantia, in aliquo particulari casu est iniqua, iuxta S. Thomam tum hic q. 60. a. 5. tum in 1. 2. quæst. 96. art. 4. & 6.

Secundus, quando observatio legis in aliquo particulari casu aduersatur bono communi. Et recte notat Aragonius, etiam quoad hoc esse discrimen aliquid inter principem & inferiorem iudicem, quod illi sufficiat huius rei probabilis conjectura, huic vero necessaria sit moraliter certa eiusdem rei cognitio; quia in dubio, superioris mandato & iudicio standum; & nec illic quidem à verbis legis potest recedere in consulto Principe, nisi aut periculum adeo præsens sit, vt consulendi Principis non detur locus, aut certe iam aliunde de mente Legislatoris seu Principis constet, iuxta inferius dicenda.

Tertius casus. Quando prudenter & certo iudicatur Legislatoris intentionem non esse, vt lex hoc

38

39

40